

HELAIAN PENDEDAHAN PRODUK

Anda diingatkan untuk membaca helaian pendedahan produk ini sebelum anda membuat keputusan untuk memilih Pembelian Bil Keluar. Sila pastikan anda juga membaca terma dan syarat muktamad di dalam Surat Tawaran (“LO”) dan Perjanjian Kemudahan. Anda dengan ini diingatkan supaya sentiasa mencari dan mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad (“Bank”) sekiranya anda tidak memahami mana-mana bahagian dokumen ini atau terma umum yang dinyatakan di sini.

AmBank (M) Berhad
Pembelian Bil Keluar
Tarikh: 30 November 2023

1. Apakah yang perlu saya ketahui tentang produk ini?

Pembelian Bil Keluar (“OBP”) ialah pembiayaan selepas penghantaran oleh Bank untuk membeli atau mendiskaun Bil Pertukaran tampak atau usans di bawah Kutipan Bil Keluar (“OBC”) eksport atau domestik untuk menyediakan modal kerja kepada Penjual/Pengeksport sebelum menerima hasil kutipan penjualan daripada Pembeli/Pengimport.

2. Apakah yang boleh saya perolehi dari produk ini?

- Tertakluk kepada terma kemudahan OBP menurut LO yang dikeluarkan oleh Bank kepada anda, anda akan menerima pembiayaan OBP yang:-
 - a. tertakluk kepada had kemudahan OBP;
 - b. didenominasi dalam Ringgit Malaysia (“RM”) atau mata wang asing (“FCY”) yang diterima oleh Bank;
 - c. dikenakan faedah berdasarkan Kadar Pinjaman Asas (“BLR”) atau Kos Dana (“COF”) yang dikira atas baki harian;
 - d. bertempoh sehingga suatu tempoh yang diluluskan; dan
 - e. untuk membiayai dokumen jualan tampak/usans Penjual/Pengeksport untuk penjualan domestik dan/atau luar negara di bawah Kutipan dengan pesuruh bayar yang diterima oleh Bank.
- Pengendalian OBP di bawah OBC adalah berpandukan Peraturan Seragam untuk Kutipan (“URC”) semasa oleh Dewan Perniagaan Antarabangsa.

3. Apakah peranan dan tanggungjawab saya?

- Memberikan kebenaran dengan arahan lengkap mengenai pengendalian dokumen untuk membolehkan Bank mengambil tindakan yang sewajarnya.
- Memastikan Pembeli dan dokumen penghantaran (termasuklah dokumen pengangkutan) adalah tulin dan barang berada dalam keadaan yang baik dan sempurna.
- Memastikan tiada kaedah pembiayaan lain yang diperoleh untuk transaksi yang sama.
- Memastikan dana akaun anda mencukupi dan memberi kebenaran kepada Bank untuk mendebit akaun anda di Bank untuk sebarang caj, komisen, yuran dan/atau belanja tunai langsung Bank berhubung dengan pembiayaan OBP dan pembayaran pada tarikh matang sekiranya tiada pembayaran diterima daripada Pembeli.
- Memohon kemudahan OBP dan memastikan kemudahan adalah tersedia dan cukup untuk pengeluaran.
- Mematuhi peraturan membawa balik hasil eksport barang di bawah OBC tidak lewat daripada 6 bulan dari tarikh penghantaran atau sebarang pengecualian mengikut peraturan pertukaran asing semasa oleh Bank Negara Malaysia (“BNM”) yang BNM benar dan umumkan di laman sesawang rasminya di www.bnm.gov.my/fep dari semasa ke semasa.

4. Apakah harga, yuran dan caj yang dikenakan?

No.	Yuran dan Caj	Tarif
1	Komisen	0.1% daripada amaun bil Minimum: RM50 Maksimum: RM100 (Bil FCY); RM300 (Bil RM)
2	Caj untuk menggantikan pertukaran bil mata wang asing yang dibayar dalam mata wang asing	0.1% daripada nilai invois Min: RM50 Max: RM300
3	Caj SWIFT	
	Untuk akaun Pelanggan	Dalam Malaysia: RM20 Di Luar Malaysia: RM40
	Untuk akaun pihak niaga asing	Setara dengan USD20
4	Bayaran pemindahan (IBG/RENTAS)	RM2 sahaja
5	Bayaran Pos	Dalam Malaysia: RM5 Di Luar Malaysia: RM20
6	Perkhidmatan kurier	Dalam Malaysia: RM15 Di Luar Malaysia: Tertakluk pada destinasi
7	Caj Tertungggak	RM50 untuk setiap transaksi

Harga, yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang mahupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula jumlah wang yang perlu dibayar.

5. Bagaimakah jika saya gagal melaksanakan kewajipan saya?

- Hasil kutipan yang diterima di bawah OBC akan digunakan untuk melunaskan pembiayaan OBP. Walau bagaimanapun, Bank akan mendebit wang dalam akaun anda di Bank untuk melunaskan tunggakan OBP berserta apa-apa faedah dan caj yang terakru ke atasnya sekiranya tiada pembayaran diterima daripada Pembeli pada tarikh matang.
- Jika anda tidak mempunyai dana yang mencukupi untuk melunaskan pembiayaan OBP pada tarikh matang, Bank akan mengenakan caj Faedah Mungkir menurut LO mulai dari tarikh matang sehingga tarikh pembayaran penuh dilunaskan.
- Sekiranya akaun OBP anda masih tertungggak selepas 3 bulan, status kemudahan-kemudahan kredit anda di Bank akan dikategorikan sebagai pinjaman tak berbayar.
- Bank boleh menggunakan haknya dan mulakan proses pemungutan/tindakan undang-undang yang merangkumi, tetapi tidak terhad kepada, prosiding kemufusan/penggulungan (jika jumlah tertungggak mencapai had tertentu). Aset anda mungkin dibekukan dan disita sekiranya diisyiharkan muflis/dikenakan penggulungan.
- Tindakan undang-undang ke atas anda juga mungkin menjelaskan taraf kredit anda yang menyebabkan pinjaman kredit anda lebih sukar atau mahal.
- Hak tolak selesai: Bank berhak untuk menggunakan mana-mana baki kredit dalam akaun anda di Bank untuk melunaskan jumlah tunggakan mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimakah jika saya melangsaikan pembiayaan sebelum tempoh matang?

- Faedah akan dikira sehingga tarikh pembayaran penuh.
- Mungkin tertakluk kepada penalti (iaitu kos pembiayaan terganggu) untuk penamatkan awal kontrak.

7. Adakah saya memerlukan perlindungan insurans?

- Tidak berkenaan.

8. Apakah risiko utama?

- Oleh sebab OBC hanya merupakan perkhidmatan kutipan, tiada aku janji pembayaran atau penerimaan daripada Bank Pembeli/Pengimport.
- Risiko tidak dibayar/tidak diterima oleh Pembeli anda dan anda mungkin perlu menarik balik penghantaran anda atau mencari Pembeli baharu.
- Naik turun kadar pertukaran asing.
- Bank tidak bertanggungjawab untuk menyemak dokumen.

9. Adakah saya memerlukan penjamin atau cagaran?

- Penjamin harus disediakan sekiranya perlu.
- Cagaran harus disediakan sekiranya perlu dan mesti dapat diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyurat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui:

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui:

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstrukturran semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
Tel.: 03-2616 7766
E-mel: enquiry@akpk.org.my

12. Di manakah saya boleh mendapatkan maklumat lanjut?

Untuk butiran tentang manfaat, yuran dan caj, anda boleh melayari www.ambankgroup.com.

13. Lain-lain produk perdagangan yang disediakan: -

- Jaminan Bank
- Jaminan Bank Atas Kaunter
- Penerimaan Jurubank
- Pembelian Bil Keluar Langsung
- Kutipan/Pembelian/Rundingan Berdokumen
- Pembelian Semula Kredit Eksport
- Pembiayaan Invois
- Pinjaman Perdagangan Mata Wang Asing
- Pendahuluan Kredit Pembungkusan
- Resit Amanah Ringgit
- Jaminan Perkapalan
- Surat Kredit Tunggu Sedia

PENTING! CAGARAN ANDA MUNGKIN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan produk ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh Bank adalah bergantung pada penilaian kredit anda yang dilakukan oleh Bank. Penghantaran helaian pendedahan produk ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/Kami mengakui bahawa terma kontrak utama dan kewajipan kewangan saya/kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....
Nama:
Nombor KP:
Tarikh:

Atau

Untuk dan bagi pihak
No. Pendaftaran:

.....
(Penandatangan dibenarkan/Pengarah)
Tarikh: